

„Бар тархалгын—чинртэ төр“

Иим нертэ бичг мана 148-ч номертэ газетд барлгддж, Яшкульск райогъар бар тархалгын — муугъар кегддж йовна, тер тоод, хулдлгынд оньган эс өгчэхин тускар келдлэ.

КПСС-н Яшкульск районн комитет бар тархалгынг ясрулхин төлөд кесг эв-аргъ темдглв. Бичгдсн улст газетс болн журналмуд ягъдж күргджэхиг шүүдж хэлэгъад, бар хулдлгын йир муугъар кегдджэхинь илдкгдв. Эклц партийн организац болн районн залгылдана конторин начальникд эн баях дуту-дундиг уга кедж, ноштин цуг отделеньсин эн туск кодлмшиг шүүгхэ гидж заав.

Бар тархалгын йовудин болн энүнд баях дуту-дундиг уга кехин тускар районн залгылдана цуг кодлчнрин совещань кегдджанэ. Газетд бичгдсн улс цугъарн газет авчах эс авчехин тускар эклц партийн организацс поштин отделеньтэ хамдан шүүдж-хэлэвр кеджэнэ — гидж партийн Яшкульск райком редакцд сонъсхв.



Бар тархалгын Юстинск районд муугъар кегдджэхин тускар мана 148-ч номертэ газетд барлгдсн тер төр бюрод төр кедж күүндгдэд, бар тархалгынг ясрулх эв-аргъ темдглгдв гидж партийн Юстинск райком манд сонъсхв.